


10 25677
0 ASOM ZIYOMAT

TONG QO'RNIDA



25677

10 0 | 2000A-2419

ZIYOMAT, A

2000A-2419 qo'ynida!
Via

ASOM ZIYOMAT

OYILONIM GULLARI

Tong qo'ynida

(She'rlar va ertak)

КОНТРОЛЬНЫЕ ЭКЗАМПЛЯРЫ

“Cho‘lpon” nashriyoti
Toshkent

O'z2
Z-63

TAMOYIS MO2A

25677

HO 0

O'zb. Res. DK
A | 2419

Ziyomat, Asom.

Tong qo'ynida: (she'rlar va ertak).—T.: "Cho'lpon",
1999.—32 b.

Ushbu to'plamda ona Vatan, uning go'zal tabiati, qishloq bolalarining qiziqarli hayoti, orzu-intilishlari mavzusidagi she'rlar o'rin olgan.

"Sehrli buloq" ertagida Sarvar otaning baxt uchun kurashi aks etgan.

O'z2

Z 4803620202 -27 Qo' sh. 99
360 /04/-99

© "Cho'lpon" nashriyoti,
1999 y.

ISBN 5-8250-0636-2

OYIJONIM GULLARI

Hovlimizda gullarning
Hamma turi ochilgan.
Muattar gul hidlari
Har tarafga sochilgan.
Bolarilar vizillab,
Guldan gulga qo'nishar,
G'unchalarning bolini
Rohat qilib so'rishar.
Ona yurtga bo'ldi zeb
Oyijonim gullari.
Hovlimizga nur berdi,
Oyijonim qo'llari.

QUYOSHIM

Uzumlarga rang berib,
Asal etgan o'zingsan.
Mevalarga ta'm berib,
Shakar etgan o'zingsan,
Mehri daryo quyoshim.
Chehrangda doim kulgi,
Olam ko'z-qarog'ingda.
Tabiat go'zalligi
Har lahza ardog'ingda,
Mehri daryo quyoshim.

ASALARI QO'SHIG'I

Eh, g'unchajon,
G'unchajon,
Sendan orom
Olar jon.

Ajoyib
Jamoling bor.
Kosa to'la
Boling bor.

Erkalanib
Yayrayman,
Kosangdan
Bol yalayman.

Yig'ib-yig'ib
Xonamga,
Ulashaman
Odamga.

RAHMDIL

Aka, eshik orasidan
Sovuq kirar g'izillab,
Barmoqlarim muzlatdi,
Ingrar behol izillab.

Eshikni ocha qolay,
Olsin biroz isinib.
Eshigimiz orasida
Yurmasin-da qisilib.

CHIN DO'ST

— Ko'zing to'la
Jiqqa yosh.
Seni urdi
Qay bebosh?!
— Do'stim Zafar
Qoqilib,
Tushdi yerga
Yiqilib.
Joni og'rib
Yig'ladi.
Behol bo'lib
Ingradi.
Rahmim kelib
Do'stinga,
Yosh keldi-da
Ko'zinga.

MAQTANCHOQ CHIVIN

O'zin ko'rib ko'zguda
Chivin: "Akang zo'r", — dedi,
Uyoq-buyoqqa yurib:
"Salobatim ko'r", — dedi.
Hatto katta xona ham
Kelib qolgan kabi tor,
G'urur bilan murtini
Qimirlatdi necha bor.
So'ng hovlida o'ziga
Orolandi berib zeb.
"Ha, chindan zo'r ekansan", —
Dedi Chumchuq tutib yeb.

GULBAHOR

Tomchi tomar

Tarnovlardan:

— Tiq, tiq, tiq,

Kun ilidi,

Sojida qiz,

Chiq, chiq, chiq...

Shamol kelib

Eshik qoqar:

— Taq, taq, taq,

Bahor keldi,

Sojida qiz,

Boq, boq, boq...

ONAJONIM

Har tomonga zor-zor boqib,

Meni izlar onajonim:

— Bir lahzada qayga ketdi

Qo'zichog'im, bolajonim?

Bir burchakka olib o'zim,

Oyimdadir ikki ko'zim.

Hech indamay turar edim

Dilga tugib aytar so'zim:

“Eh, qanchalar mehribonsiz,

Mening aziz onajonim.

Chin onalik mehringizdan

Yuragimda hayajonim”.

TONG

Atrof jimjit. Tiniq rang
Toza havo — eh, maza —
A'lochi qiz Soraday
Yuzin yuvgan top-toza.

“DONO” UKAM

Quyosh chiqqach, shudringdan
Ho'llanibdi yer;
Ukam: “Hovli issiqdan
Terlabdi-ku”, — der.

QO'SHIQ

Chotqol tog'dan oqqan suvlar
Qishlog'imdanda o'tadi.
Sukunatning bag'rin yorib,
Uzoqlarga ketadi.

So'qmoqlardan dadil o'tib,
Shoshib-shoshib oqadi.
Mavjlarining shildirashi
Ko'ngillarga yoqadi.

Undan olib cheksiz ilhom
Men ham qo'shiq bitaman.
Zavq olsin deb, qo'shig'imni
Tashna dilga tutaman.

SOYAKI

Yeganlar bersin baho,
Asli o'zim bebaho.
Soyaki derlar otim,
Sharbat misoldir totim.
Qor-yomg'irga qoldirmay,
Tanamga suv tomdirmay,
Osib olsa uyiga,
Zarur bo'lgum to'yiga...

MEN OYIMGA YORDAMCHI

O'tin yorib taqillatib,
Suv qaynatib shaqillatib,
Sovun surtib,
Ko'pik bo'rtib,
Kir yuvaman,
Gard quvaman,
Men oyimga yordamchi!
Oq choyshabni tekis yoyib,
Yordam berar ukam Soyib.
Izillatib,
Jizillatib
Dazmollayman,
Pardozlayman,
Men oyimga yordamchi.
Har bir ishda chaqqon, bardam,
Ish qidirar ko'zim har dam.
Oyim meni
Olqishlaydi.
Bor mehrini
Bag'ishlaydi,
Men oyimga yordamchi.

YOZ SHAMOLI

Shivir-shivir

Yoz shamoli

Esar asta —

Tun navoli.

Bog' oralab

Guv-guv yelar

Behi hidin

Olib kelar.

BAHOR SOZI

Jilg'alarda

Sho'x sozlar —

Hayajonli

Ovozlar.

Sho'x toychoqday

Chopar u,

Shundan orom

Topar u.

Chuldiraydi

Tinmasdan,

Charchash nima

Bilmasdan.

Bahor sozi

Xilma-xil.

Tinglab orom

Olar dil.

TOYCHOQ

Biyamiz qulunladi,
Yunglari biram mayin.
Dikir-dikir chopqillab
O'sayapti kun sayin.
Onasiga talpinsa,
Rahmim kelar toyimga,
— Biyani kamroq sog'ing, —
Yolvoraman oyimga.

MEN OYIMGA YORDAMCHI

OLTIN KUZIM

Mevalarni
Shakar etding.
Yaproqlarni
Sim-zar etding,
Oltin kuzim,
To'ymas ko'zim.
To'kin-sochin
Dalayu bog',
Dehqonlarning
Dimog'i chog'.
Ko'rdim o'zim,
Saxiy kuzim.
Paxtazorlar
To'la yulduz,
Terayapmiz
Kecha-kunduz.
Yorug' yuzim,
Yasha, kuzim!

KEKSALAR

So'rida otaxonlar
Suhbat qurar kulishib.
Bosib o'tgan yo'llarin
Eslab, zavqqa to'lishib.

To'rt bobo — to'rtta kitob,
To'la ertak-hikmatga.
Ona diyor qo'ynida
Loyiq izzat-hurmatga.

PAXTA

Chanoqlarda
Oppoq paxta
Kulib turar,
Qanday baxt-a!

Erkalanib
Tebranadi.
Yal-yal yonib
Tovlanadi:

— Rahmat senga,
Aziz dehqon.
Uyding bizdan
Ulkan xirmon.

Mehnatingdan
Oltin bo'ldik,
Chanoqlarga
Lim-lim to'ldik.

NOSHUKUR

Salim, Sodiq, Sadoqat:
“Ne qilsak?”, — deb o‘yladik.
Kelishib bir ovozdan
Mehmon-mehmon o‘ynadik.

Hurmat qilib Sodiqni
Yuqoriga o‘tqazdik.
— Bir yosh bizdan katta, — deb,
Qarang, qancha yutqazdik.

Dasturxonda borini
Sodiq paqqos tushirdi.
— Topganlaring shumi? — deb,
Yana lunjin shishirdi.

MENING CHOPQIR TOYCHOG‘IM

Mening jiyron toychog‘im,
Dikir-dikir o‘ynaysan.
Erkalanib onangga,
Sho‘xligingni qo‘ymaysan.
Naq quyunday uhasan,
Bo‘lsang ham-ki bir oylik.
Quloqlaring chimirib,
Chopishlaring chiroylik.
Sero‘t, sutli, qaymoqli,
Yashil qirlar makoning.
Tez ulg‘ayib o‘shishga
Bor, toychog‘im, imkoning.
Sen hozircha qulunsan,
Ulg‘ayasan ot bo‘lib,

Poygada kelsang oldin,
Zavqlanaman shod bo'lib.

TONG QO'YNIDA

Tongda zavqli sayrashar
Shoxchalarda qushchalar.
Qushlar tilida doston
Tongning ko'rki shunchalar.

Ko'kat, maysa silkinib
Shamolga bo'lar hamdam.
— Yuvingin, — deb qo'linga
Maysalar tutar shabnam.

YALPIZ TERAR GULNOZA

Ariq bo'yida maysa,
Suvlarda sho'x andoza.
Chimchib-chimchib, donalab,
Yalpiz terar Gulnoza.

To'lqin-to'lqin irmoqlar,
Kuy chalar, qanday soz-a,
Savatchasi yonida,
Yalpiz terar Gulnoza.

Borliq chinni kosaday,
Yuvilgan — biram toza.
Sochida tol bargagi,
Yalpiz terar Gulnoza.

QIR BAG'RIDA

Qirlar bag'ri
Qanday soz-a,
Havosi ham
Sof va toza.

Chuchmomalar
Ko'zin ochgan.
Qir bag'riga
Mehrin sochgan.

Gul-lolalar
Alvon-alvon,
Shodliklarim
Jahon-jahon.

Ol ufqlar
Aqlim oldi.
Go'zal qirda
Mehrim qoldi.

BUNI QARANG

— Kechga qolding
Darsdan nega?—
Deb so'rasam,
Javrar Egam:
— Soatimiz
Charchab-tolib,
Uyg'otmabdi
Uxlab qolib.

BU KIM BO'LDI?

Erinchoq bo'lib
Qolibman, qarang.
Tug'ishgan akam
Tanimay garang.

— Bu xabash bola
Keldi qayerdan?
Ko'kdan tushdimi,
Chiqdimi yerdan?!

Yuzin yalasa
Agarda shu choq,
Bo'kib o'lardi,
So'zsiz, to'rt buzoq.

Uyalib ketdim.
O'zimdan o'zim.
Yuzim lovullar,
Yer chizar ko'zim.

Darrov yuvindim,
Akam suv quydi.
Sal xafa bo'lib
Qovog'in uydi.

Toza artinib,
Oynaga boqdim,
O'zimga-o'zim
Judayam yoqdim.

TOG'DAGI SIRK

(Ergash ota xotirasiga)

Nasim esar mayingina
Silab yuzu ko'zlarni.
Ergash bobo "qani, chu", deb
Eshagini tezlardi.
Dala zavqi otaxonga
Tinchlik bermas erta-kech,
Har bahorda tog' bag'rini
Kanda qilmas shundan hech.
Katta dovon bag'rida bir
Mo'jiz chayla ko'rindi.
Ko'rib tanish otaxonni
Bolajonlar suyundi.
Keksa-kampir, yoshu qari
Yig'ildilar bir onda —
Axir ota san'atini
Ko'rmaganlar armonda.
Keng sayhonga joy qilinib
Qo'r olishdi hammasi.
Otaxonning san'atidan
Lol qolishdi hammasi.
Eshagini yetaklab u
Olib chiqdi o'rtaga,
Shalpangquloq boshin chayqab
Oyoq tirar jo'rttaga.
— Xo'p de, eshak, behudaga
Isrof qilma kuchingni.
Egasining gaplariga
Eshak darrov tushundi.

Boshin egib quloqlarin
Chimirib salom qildi.
Qiyqirig'u olqishlar
Uzoq vaqt davom qildi.
— Maktabiga bormay har kun
Ko'cha kezar bolani
Yurishini bir ko'rsat-chi,
Lol qoldirib hammani.
Qulog'ini shalpaytirib,
Ko'zin yumib tek turdi.
Ko'rsatishsa kitob-daftar,
Boshini chetga burdi.
— Qani uyga erinmasdan
Yaxshilab bir yozgin xat.
“Mehmonda zo'r ekan, — degin, —
Joyida hurmat-izzat!”
Qalamni tishlab jonvor
Yerga chizdi bir chiziq.
Tarixda kam uchraydi
Bunday tomosha-qiziq.
Olqishli shovqin-suron,
Tinmas qarsak sadosi.
Qirlarga singib ketar
Zavqu-shavqning navosi.
Bolalar qo'l silkishar:
— Kelib turing, bobojon.
Bu zavqli tomoshani
Unutmaymiz hech qachon!
Ergash ota o'zidan
Zo'r xotira qoldirdi.
Ko'rganlarning dilida
Zavq-shavq o'tin yondirdi.

KIM DANGASA

Muallimni aytganini,
“Yaxshi bo‘ling” deganini
Bajarmasa,
“Xo‘p” demasa,
Shu o‘quvchi — dangasa.
Kitob-daftar uyda qolsa,
Behuda u chopib tolsa,
O‘qimasa
Va yozmasa,
Shu o‘quvchi — dangasa.
Do‘stlar bilan bo‘lmay ahil,
Yursa mudom bo‘lib baxil,
O‘rganmasa,
O‘rgatmasa,
Shu o‘quvchi — dangasa.
O‘zin ishga chog‘lamasa,
Do‘stlik i pin bog‘lamasa,
Ishi chakki,
Yeyar dakki,
Shu o‘quvchi — dangasa.

CHAQIMCHI

Rasulning bir odati —
Do‘stlarga xiyonati.
Chaqimchilikdir ishi,
Boshqa yo‘qdir yumushi.
Yolg‘on so‘zni rostdek aytib,
O‘z so‘zidan ortga qaytib,
Chin do‘stlarni mushtlashtirar,
Yolg‘on-rostni juftlashtirar.
U “chaqimchi” nomin oldi,
Tezda yolg‘iz bo‘lib qoldi.

AYOZ BOBO

Derlar meni
Ayoz bobo.
Bilsang, dardga
O'zim davo.
Mikroblarni
Tez qiraman.
Ko'cha bo'ylab
Yuguraman.
Sirpanmachoq
Gar o'ynasang,
Xandon otib
Sho'x-shod kulsang,
Xursand bo'lib,
Izillayman.
Har tomonga
G'izillayman.

ERTAK SEHRI

— Jonvorlarga joy berdik
Uyimizning to'ridan.
Bir keling qo'rqmasangiz
Arslon, Ayiq, Bo'ridan.
So'rar, cholning gapidan
Hayron bo'lgan do'stlari:
— Ular bilan yashashga
Qo'rqmaydimi "o'zlari"?!
— Nega endi qo'rqayin, —
Kular bobom yonimda, —
Sarguzashtli ertaklar
Axir dili-jonimda.

Bobom ertak aytganda,
Yo'lbars bo'lib o'kirar.
Xo'roz bo'lib qichqirib,
Arslondayin bo'kirar.
Ovozini o'xshatar
Goh qutirgan sirtlonga.
Shunda mo'j'az uyimiz
To'lar har xil hayvonga...

NAVRO'Z BOBOM KELDILAR

— Assalom, — deb qishlog'imga
Navro'z bobom keldilar.
Shamol kabi o'ynoqlab
Nafis hidlar yeldilar.

Navro'z bobom — yoshi ulug' —
Minglab yillar oshgaysiz.
Tabiatga jon bergani
Doim shunday shoshgaysiz.

Qomatingiz xo'p xushbichim,
Soqolingiz — oqi yo'q.
Hech kimda yo'q unday chiroy,
Kiyimingiz yashil to'q.

Bunday chog'lar o'zida yo'q
Yashnab ketar dalajon.
Tengsiz go'zal yurtimizga
Xush kelibsiz, bobojon!

SEHRLI BULOQ

(*Ertak*)

Elbrus — tog'larning shohi.
Bag'rida yashar ohu.
Yashil ko'rkam o'tlog'i.
Biram tiniq bulog'i.
Bahorga chin sozanda —
G'unchalar ochar xanda.
O'ttiz yildan ortiqroq
Balki, undan sal ko'proq,
Yashar qoya bag'rida
Bir orzuning ahdida,
Zolim shohning dastidan
Nolib taqdir — baxtidan,
Tashlab ona qishlog'in,
Hatto urug'-aymog'in,
Besh oltita xonadon
Tug'ishgandek qadrdon.
Sarvar bobo yoshligi —
Chaqindek beboshligi,
Shu yerda o'ynab o'tgan.
Tabiat ilhom tutgan.
Lekin, dilida armon,
Afsuslanar u hamon.
Orzu gulin termadi —
Taqdir farzand bermadi.
Bobo quyosh botguncha,
Uchar qushlar yotguncha,

Qo'ylarin boqar edi,
So'ng uyga qaytar edi.
Har kuni kechki oqshom
Kampiri chiqib mudom,
Kutar edi intizor,
— Hormang, — derdi beozor.
Qarshi olib cholini
Haydab kirar molini.
Shunday o'tar har kuni —
Besanoq zulmat tuni.
Kunlar o'tar besamar,
Keldi yoz taqib kamar.
Saraton. Kun isidi,
Chol chanqaganin sezdi.
Yon tomonda bor chashma,
Zilollik unga oshna.
Chuldirab oqar edi,
Ko'rganga yoqar edi.
Shuncha yil kezib qirni,
Ko'rmagandi bu sirni.
Tiniqligi — ko'k shisha,
Qaynab toshar hamisha.
Chol shu suvdan simirdi,
Chanqog'ini qondirdi.
Mazasidan jon oldi,
Bir ajib hisga toldi.
Biroz fursat o'tmasdan,
O'ylashga ulgurmasdan,
Vujudida o'zgarish:
Silkinishmi, qo'zg'alish,
O'ttiz yoshli yigitdek,
Shijoatli burgutdek,
Yosh yigitga aylandi,

Kiyimi zar to'ndandi.
Oqshom kular tabriklab,
Tarovatin ko'z-ko'zlab.
Sarvar ko'rar shu onda:
Buloqning qirg'og'ida
Bir qiz, o'xshab malakka,
Hadik solib yurakka,
Shivirlar sekingina:
— Men bir o'lmas malika,
Yashayman o'zim yakka.
Har faslga maftunman.
Men qarimas zaytunman.
Uzoq yillar kuzatdim.
Kimliging yaxshi bildim.
Yaxshilarga hamdamman,
Zolimlarga yomonman.
Suvimdan ichsa zolim,
Bezovta bo'lar holim.
Jismi uchar shaklidan
Asar qolmas aslidan,
Senga tanish bu tog'lar.
Mevasiz ko'm-ko'k bog'lar.
Nay chalding, qo'shiq aytding,
Ba'zan uyga kech qaytding.
Hamma siring bilaman,
Ko'p kuzatib yuraman.
Sarvar xo'p rahmat aytdi,
Sekin uyiga qaytdi.
Qo'y haydagan — begona,
Kampir bo'lib giryona,
Yuziga turdi boqib.
So'ng so'z qotdi, tutoqib:
— Ko'ring shohga o'xshaydi.

Gapingdan dil qaqshaydi.
Cholim sezsa gapingni,
O'yib olar ko'zingni.
Uchramagin qahriga,
Chidolmaysan zahriga.
Tezroq yo'qol bu yerdan,
Joy toparsan har yerdan.
Sarvar so'zlar birma-bir
Kechirmishin — ajib sir.
Kampirin ishontirdi,
Shod etib quvontirdi.
Xayol otin minishdi,
Najot istab yurishdi.
Kampir ko'rib buloqni,
His qildi sal to'lg'oqni.
Hovuch-hovuch simirar,
Shukur, deb qosh chimirar.
Cholda ro'y bergan holat
Kampirga berdi madat,
Aylandi u malakka,
Yetdi orzu-tilakka.
G'uncha yozdi muhabbat,
Ortda qoldi musibat.
Shamol bo'lib el aro,
Tarqaldi yangi sado.
Eshitganlar lol, hayron,
So'zlashar biyron-biyron.
Yoqa ushlar ba'zilar,
Lol bo'lishdi qozilar.
Shoh eshitib shu zamon,
Yoqa ushlar begumon.
Xabarchisin chaqirdi,
Unga rosa uqtirdi:

— Topib kel o'shal zotni,
Qashshoq, so'qir bezotni.
Munkillagan, imonsiz,
Murda rangli, vox, jonsiz!
Keltiring huzurimga!
Hayron sirdan odamlar:
Torgina kichik hovli,
Ikkisi Majnun, Layli,
Hovliga hech yarashmas,
Do'stlarga mag'rur boqmas.
Ikkisin olqishlashar,
Dil so'zin bag'ishlashar.
Xabarchilar ham hayron:
Shovqin-suron, g'alayon.
Otin niqtar xabarchi,
Ildam yuradi jarchi,
Shoh xabarin yetkazdi,
Xo'p, ishini bitkazdi.
Sarvar esa tutoqib,
O'z qalbiga o't yoqib.
Xabarchiga do'q urdi,
Joyidan jilmay turdi.
Jarchi g'azabga to'lib,
Sarvar yoqasin bo'g'ib,
Yelkasiga bir urib,
Olib ketmoqchi bo'ldi.
Odamlar, qahri oshib,
Nafrati suvdek toshib,
Elchiga tosh otishdi,
G'azabdan xo'p yonishdi.
Cho'chib xalqning qahridan,
O'tib ahdning bahridan,
Jarchi qochishga shoshdi,

Jon saqlashga tog' oshdi.
Xabarni eshitib shoh
G'azabidan urdi oh!
Farmon berdi o'sha dam,
Bo'linglar deya bardam.
— Qaytinglar o'sha yurtga,
Ularni o'lim kutgay.
Yaxshilikcha kelishsin,
Farmonimga ko'nishsin.
Ziyrak xalq sezib shu on,
Ko'tardilar g'alayon.
Askar xalqqa tashlandi,
Ko'pni ko'zi yoshlandi,
Dod-faryodlar avj oldi,
Ko'plarga qayg'u soldi.
Sarvarni band etdilar,
Tezda shohga eltdilar.
Ko'rib malak ikkisin,
Shilmoq bo'ldi terisin,
Shoh jallodni chaqirdi,
Alam bilan baqirdi:
— Oling tandan boshini,
Qoldirmang yo'ldoshini.
Vazir-chi, shu zamonda
Engashib shoh tomonga
Bir so'zni shivirladi,
Shoh esa ma'qulladi.
— So'zla, ko'rgan siringni,
O'sha ko'rgan yeringni.
Siringni maxfiy tutma.
Kimligingni unutma!
Sarvar boshlar so'zini,
Tetik tutib o'zini.

Chinga yolg'on qo'shmadi,
Haddidan hech oshmadi.
Barcha sir bo'ldi oshkor,
Boshqa bo'lmas hech takror.
Xona ichi jim qoldi,
Hamma xayolga toldi.
Kimdir sirga ishonmas,
Kimdir bu so'zdan qonmas,
Hamma shohga tikildi,
Qomatlari egildi.
Shoh hukmini kutishdi,
Bir zum nafas yutishdi.
So'ng, manzilga jo'nashdi,
Yetib kelib qarashdi:
Oddiygina bir buloq,
Sehri sezilmas mutloq.
Biqir-biqir toshardi,
Daryo sari shoshardi.
Ammo bugun... loysimon,
Sarvar ko'nglida gumon —
Ichganda tiniq edi,
Bunday rangi yo'q edi.
Shoh ham tushdi gumonga,
Dili to'ldi armonga,
Otboqarga tikildi,
Oliy farmon aytili:
— Shu suvdan ichib ko'r-chi,
Ta'mida ne bor, bil-chi.
Otboqar hayron qoldi,
Buloq tomon yo'l oldi.
Tip-tiniq buloq rangi,
Ko'rinmas loyqa zangi.
Hovuch-hovuch simirdi,

Lazzatlanib kekirdi.
Qadam tashladi asta —
Yigit bo'lib barvasta.
Shoh ko'ziga ishonmas,
Yolg'on desa yolg'onmas.
Otboqarga go'zallar
Zimdan ko'zin suzarlar,
Havasga loyiq qomat —
Bir zumda kuldi omad.
Shoh bilan malika ham —
Dilida orzu alam —
Bir hid urdi dimoqqa.
Suv ichishdi simirib,
Bir-biriga termulib.
Olov rangli, o'tsimon,
Tumanga o'xshash to'zon
Shohni o'radi shu on.
To'da bo'lib chirmashdi,
Ko'kka qarab tirmashdi.
Turganlar hayron bo'ldi,
Dillari vayron bo'ldi.
Malika ham shu holda,
Talvasa qilar yonda.
Afsonada aytilgan,
Dostonlarda bitilgan,
Jodugarga o'xshadi,
Dod solib zor qaqshadi.
Bu yangilik — uchar ot,
Bir zumda yozib qanot,
Tezda elga tarqaldi,
“Mo'jiza” deb ataldi.
Har kim o'ziga folbin,
So'zlarida ming taxmin.

Chaqinchi	Nafrat ortib tilida,	81
Ayaz baba	G'azab qaynab dilida,	81
Ertak xehri	Shohga la'nat o'qishdi,	81
Navro'z bahom	Ko'plar nolib so'kishdi.	82
Ertak	Sarvarning shijoati —	
Sahri bulog	Bu elning saodati...	82
	Sarvar elning ko'zida—	
1	Ikki qo'li ko'ksida.	
2	Karnay-surnay navolar,	
3	Jo'shqin sado havolar.	
4	Dehqonlar bel bog'lashib,	
5	O'zin ishga chog'lashib,	
6	Hamma ishga kirishdi,	
7	Maqsad sari yurishdi.	
8	O'tgan umrin ziynati,	
9	Yuragida himmati,	
10	Kulbasiga yo'l oldi,	
11	Bir ajib hisga toldi.	
12	Baland-past tik qoyalar —	
13	Jon oromi soyalar.	
14	Pastlikda soyning sozi,	
15	Tebranar shoxlar nozik.	
16	Sarvarga jon bag'ishlab,	
17	Qushlar uni olqishlar:	
18	— Egallagin taxtingni,	
19	Ato etdik baxtingni,	
20	Elbrus hamon mag'zur,	
21	Atrofiga ko'z solur:	
22	Har bir umr — bu ertak,	
23	Oqadi misli soydak.	
24		
25		
26		
27		
28		

MUNDARIJA

Oyijonim gullari	3
Quyoshim	3
Asalari qo'shig'i	4
Rahmdil	4
Chin do'st	5
Maqtanchoq chivin	5
Gulbahor	6
Onajonim	6
Tong	7
"Dono" ukam	7
Qo'shiq	7
Soyaki	8
Men oyimga yordamchi	8
Yoz shamoli	9
Bahor sozi	9
Toychoq	10
Oltin kuzim	10
Keksalar	11
Paxta	11
Noshukur	12
Mening chopqir toychog'im	12
Tong qo'ynida	13
Yalpiz terar Gulnoza	13
Qir bag'rida	14
Buni qarang	14
Bu kim bo'ldi?	15
Tog'dagi sirk	16
Kim dangasa	18

Chaqimchi	18
Ayoz bobo	19
Ertak sehri	19
Navro'z bobom keldilar.....	20
Ertak	
Sehri buloq	21

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

Adabiyot-shunoslik nazariyasi

MUNDARIJA

Asom ZIYOMAT

TONG QO'YNIDA

She'rlar va ertak

Muharrir R. Azimova

Rassom R. Xolmuxamedov

Rasmlar muharriri R. Zufarov

Texnik muharrir YE. Tolochko

Musahhiha G. Azizova

IB № 0762

10.11.99. da bosmaxonaga berildi. Bosishga 29.12.99 ruxsat etildi. Bichimi 70x901/32. Adabiy garniturası. Yuqori bosma. Shartli bosma toboq 1,17. Nashr tabog'i 1,15. Buyurtma № 341. Shartnoma № 27—99 Nuxsasi 2000 dona. Bahosi kelishilgan narxda.

“Cho'lon” nashriyoti. 700129 Toshkent, Navoiy ko'chasi, 30 uy.

O'zbekiston Respublikasi Davlat matbuot qo'mitasi-ni ng Toshkent kitob-jurnal fabrikasida chop etildi. Toshkent — 195, Yunusobod dahasi, Murodov ko'chasi, 1-uy.



